



Prishtinë, 09 shkurt 2017
Kodi i ZRRE-së: V_883_2017

Bordi i Zyrës së Rregullatorit për Energji

Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, nenin 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr.05/L-184);
- Nenin 14 paragrafi 6 dhe 7 të Rregullës për Procedurën e Autorizimit për Ndërtimin e Kapaciteteve të reja;
- Vendimin mbi Njoftimin për Autorizimin Preliminar V-771-2016 të datës 28 janar 2016 të lëshuar shoqërisë “Çeta – General Invest Group” Sh.p.k., me të cilën ka dëshmuar përshtatshmërinë për zhvillimin e projektit për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Lubinje, në Lumin Lumëbardhi i Prizrenit, Lokacioni Lubinjë/Reçan, me kapacitet të instaluar prej 3.5 MW, Komuna e Prizrenit, Republika e Kosovës, dhe
- Kërkesën për vazhdimin e afatit të vlefshmërisë të Vendimit mbi Njoftimin për Autorizimin Preliminar për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Lubinje, në Lumin Lumëbardhi i Prizrenit, Lokacioni Lubinjë/Reçan, me kapacitet të instaluar prej 3.5 MW, Komuna e Prizrenit, të datës 23.01.2017, të shoqërisë “Çeta – General Invest Group” Sh.p.k., me adresë: Trbuhovac, Komuna e Istogut, selia rruga “Nëna Terezë” Nr. 158, 12000, Komuna Fushë Kosovë, Republika e Kosovës,

në seancën e mbajtur me datë 09 shkurt 2017 nxori këtë:

V E N D I M

- I. **SHTYHET** afati i vlefshmërisë së Vendimit mbi Njoftimin për Autorizimin Preliminar V_771_2016 i datës 28 janar 2016, i lëshuar shoqërisë “Çeta – General Invest Group” Sh.p.k., për kompletimin e aplikacionit për marrjen e Autorizimit Final, edhe për një afat gjashtë (6) mujor, gjegjësisht **deri me 28 korrik 2017**.
- II. Shoqëria “Çeta – General Invest Group” Sh.p.k., obligohet që brenda këtij afati të bëjë kërkesë me shkrim për shndërrimin e Vendimit mbi Njoftimin Preliminar në Autorizim Final për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Lubinje, në Lumin Lumëbardhi i Prizrenit, Lokacioni Lubinjë/Reçan, me kapacitet të instaluar prej 3.5 MW, Komuna e Prizrenit, gjegjësisht deri me datën **28 korrik 2017** duke i plotësuar të gjitha kushtet e përcaktuara me Rregullën e Procedurës së Autorizimit për ndërtimin e kapaciteteve të reja dhe legjislacionin në fuqi.
- III. Pas skadimit të afatit të cekur në pikën I. të diapozitivit, Vendimi V-771-2016 i datës 28 shkurt 2016 mbi Njoftimin për Autorizimin Preliminar, do të shfuqizohet në mënyrë automatike, dhe nuk do të shqyrtohet nga Bordi i ZRRE-së.



Arsyetim


- ZRRE, me datë 06.10.2015 nga shoqëria “Çeta – General Invest Group” Sh.p.k., ka pranuar aplikacionin për marrjen e autorizimit për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Lubinje, në Lumin Lumëbardhi i Prizrenit, Lokacioni Lubinjë/Reçan, me kapacitet të instaluar prej 3.5 MW, Komuna e Prizrenit, Republika e Kosovës.
- ZRRE pas konstatimit se aplikuesi ka dëshmuar përshtatshmërinë e tij për ndërtimin e kapaciteteve të reja gjeneruese nga Hidrocentrali, me datë 28 janar 2016 ka lëshuar Vendimin mbi Njoftimin për Autorizimin Preliminar V_771_2016, dhe ka udhëzuar aplikuesin që t’i plotësoj kërkesat tjera ligjore që kërkohen me legjislacionin në fuqi në Republikën e Kosovës.
- Vendim mbi Njoftimin për Autorizimin Preliminar V_771_2016, nuk ka nënkuptuar edhe lëshimin e Autorizimit, përderisa nuk plotësohen kërkesat e përcaktuara me Rregullën e Procedurës së autorizimit për ndërtimin e kapaciteteve të reja.
- Njoftimi mbi Vendimin për Autorizimin Preliminar ka përcaktuar disponueshmërinë e caqeve si dhe pranimin e aplikuesit në skemën mbështetëse dhe garantimin automatik të tarifës nxitëse.
- Njoftimi mbi Vendimin për Autorizimin Preliminar ka përcaktuar se aplikuesit i garantohet lidhja e Marrëveshjes për Shitblerje të Energjisë Elektrike me Furnizuesit Publik në kohëzgjatje 10 vjeçare, e cila do të lidhet së paku (30) ditësh para datës së fillimit të operimit gjenerues.
- Vendimi mbi Njoftimin për Autorizimin Preliminar, është lëshuar në afat (1) një vjeçar, dhe në këtë vendim është përcaktuar se shoqërisë “Çeta – General Invest Group” Sh.p.k., do t’i jepet Autorizimi për ndërtim, nëse brenda këtij afati do të bëjë një kërkesë me shkrim për shndërrimin e Vendimit mbi Njoftimin Preliminar në Autorizim duke i plotësuar të gjitha kushtet e përcaktuara me Rregullën e Procedurës së autorizimit për ndërtimin e kapaciteteve të reja dhe legjislacionin në fuqi.
- Aplikuesi “Çeta – General Invest Group” Sh.p.k., me datë 23.01.2017 ka parashtruar kërkesën për shtyrje të afatit të vlefshmërisë së Vendimit mbi Njoftimin për Autorizimin Preliminar dhe në kërkesën e saj ka sqaruar se: Gjatë kompletimit të dokumentacionit për marrje të Autorizimit Final kemi hasur në disa probleme: Ministria e Mjedisit dhe Planifikimit Hapësinor – Departamenti i Ujërave, ka aprovuar kërkesën e shoqërisë në fjalë për lëshimin e kushteve ujore për shfrytëzimin e ujërave për ndërtimin e HC Lubinja, jo në pikat që ka aplikuar sipas projektit dhe studimit por në gjysmën e tyre.
- Poashtu ka sqaruar se gjatë përpilimit të dokumentacionit, janë bërë vizita në vendin ku planifikohet të ndërtohet Hidrocentrali, ku janë penguar nga banorët lokal edhe pas tentimeve në vazhdimësi janë hasur në pengesa. Lidhur me këto pengesa janë njoftuar organet e MMPH-së, me të cilën janë mbajtur edhe takime për tejkalimin e këtyre pengesave.
- Andaj, për të tejkaluar këto pengesa kanë kërkuar nga ZRRE që të mundësohet shtyrja e afatit për dorëzimin e dokumentacionit për marrjen e Autorizimit Final për ndërtimin e Hidrocentralit HC Lubinje, ZK Reçan, komuna e Prizrenit.
- ZRRE pas analizimit të kërkesës për shlyerje të afatit të vlefshmërisë të Vendimit mbi Njoftimin për Autorizimin Preliminar, ka vlerësuar atë dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.




- IV. Vendim nxirret në gjuhën shqipe dhe do të përkthehet në gjuhën serbe. Në rast të mospërputhjes në mes të versioneve, do të mbisundojë versioni në gjuhën shqipe.
- V. Vendimi hyn në fuqi në datën e miratimit nga Bordi i ZRRE-së, dhe do të publikohet në faqen elektronike zyrtare të ZRRE-së.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i ZRRE-së:


Krenar Bujupi, u.d kryesues


Arsim Janova, anëtar


Besim Sejfiqaj, anëtar

Vendimi iu dërgohet:

- Palës,
- Komunës së Prizrenit,
- Sekretarit të Përgjithshëm të MMPH-së, dhe
- Arkivit të ZRRE-së.